

將遺誠訓於家中焉子孫之中若有奉公之者見此愚抄可加琢磨雖無荆璞之明欲待越砥之力予聊遊心於漢家之經史不停思於我朝之書記仍所抄出殊不委曲子孫又好金經舊史者非此限不然者早習倭國舊事可慕葵藿忠節至于絲竹和歌者雖非所勸不可強禁於鷹犬牛馬酒色等之類者深以禁之予在少年不隨禪閣教命臂鷹鞭馬駆馳山野驥驛電逸殆及失命依佛神之加被纔雖存身顧疵猶在引鏡見之彌增貽孫之誠忌義和沈湎于酒其職長廢阮籍放曠于世其宗早亡須信提耳之訓以爲立身之誠矣

〔平重時家訓〕極樂寺殿御消息

抑申につけてもおこがましき事にて候へ共親となり子となるは先世のちぎりまことにあさからず、さて世のはかなき事夢のうちの夢の如し昨日見し人けふはなくけふ有人もあすはいかゞとあやうくいづるいき入いきをまたず、あしたの日はくる、山のはをこえ夕の月はけさのかぎりとなり、さく花はさそふ嵐を待ぬるふせい、あだなるたぐひのがれざる事は人間にかぎらず、さればおひたる親をさきにたて、若き子のとゞまるこそさだまれる事なれども、老少不定のならひ、誠におもへは若きとても、たのまれぬうき世のしきなり、いかでか人にしのばれ給ふべき心をたしなみ給はざらん、か様の事をむかひてたてまつりて申さんはさのみおりふしもなきやうにをぼゆるほどに、かたのごとく書しるしてたてまつる也、つれぐなぐさみに能々御らんすべし、をのくよりほかにかしたまふべからず、このたび生死をはなれずば、多生くるうごうをふるともあひがたき事なれば、たまくむまれあひたてまつる時の世の忍おもひでにもとて申也、先心にも思ひ、身にもふるまひたまふべき條々の事、

一佛神を朝夕あがめ申こゝろにかけたてまつるべし、神は人のうやまふによりて威をまし、人は神のめぐみによりて運命をたもつ、しかれば佛神の御前にはまつては、今世の能には正直